

**UDALBATZAK 2009KO APIRILAREN 24AN EGINIKO OHIKO OSOKO BILKURARI DAGOKION  
AKTA**

Errenteriako Udaletxean, bi mila bederatziko apirilaren hogeita lauko goizeko 08:35 zirela, lehenengo deialdian eta Juan Carlos MERINO GONZALEZ alkate jaunaren esanetara, ondoko zinegotziak elkartu dira:

- Joaquin ACOSTA PACHECO
- M<sup>a</sup> del Mar CARRILLO GASCON
- Silvia ASTORGA MARTINEZ
- Jesus OFICIALDEGUI RUIZ
- Joseba ECHARTE MARTIN
- Jose Angel RODRIGUEZ MEDINA
- Mikel DURAN GONZALO
- Karlos MURUA ROMA
- Itsasne ALVAREZ DE EULATE LASA
- Luis Santiago ANGULO MARTIN
- Agustina Ana CANO CERREIJO
- Iñaki QUERALT COIRA
- Gorka MAUDES MIGUELTORENA
- Maite PEÑA LOPEZ
- Venancio GRAVINA ESNAL
- Jose Manuel FERRADAS FREIJO
- Jose LEGORBURU AYESTARAN
- Lucía PERALTA RODRIGUEZ
- M<sup>a</sup> Angeles BASTOS FERNANDEZ
- Joxe BURGOS VIÑARAS

Era berean, bertan dago, egintzaz fede emateko, Francisco Javier LESCA EZPELETA idazkaria.

**1. Udalbatzak 2009ko otsailaren 6an eginiko ezohiko osoko bilkurari dagokion aktaren irakurketa eta onespena, bidezkoa bada.**

Idazkariak Udalbatzak 2009ko otsailaren 6an eginiko ezohiko osoko bilkurari dagokion akta irakurri ondoren,

Udalbatzak, gehiengoz, aldeko 18 botorekin (Merino, Acosta, Carrillo, Astorga, Oficialdegui, Echarte, Rodríguez, Duran (Socialistas Vascos-Euskal Sozialistak)), (Murua, Angulo, Queralt, Maudes (Talde Mistoa)), (Peña, Gravina (EAJ/PNV)), (Ferradas, Legorburu (Ezker Batua-Berdeak)), (Bastos

(PP)) eta (Burgos (EA)) eta 3 abstentzios (Cano eta Alvarez de Eulate (Talde Mistoa)) eta (Peralta (PP)),

## **E R A B A K I D U**

- **Onartzea** Udalbatzak 2009ko otsailaren 6an eginiko ezohiko osoko bilkurari dagokion akta.

### **2. Alkateak emaniko ebazpenen (327 zk.tik 418 zk.ra, biek barne), zinegotzi ordezkariak (370 zk.tik 515 zk.ra, biek barne) eta Tokiko Gobernu Batzarrak emanikoan berri ematea.**

Idazkariak Alkateak emaniko ebazpenen (327 zk.tik 418 zk.ra, biak barne), zinegotzi ordezkariak (370 zk.tik 515 zk.ra, biek barne) eta Tokiko Gobernu Batzarrak emanikoan berri eman du.

\* Ferradas jaunak (Ezker Batua-Berdeak) adierazi du bere taldeari gustatuko litzaiokeela jakitea, merkatu txikiko aferaren inguruan, zergatik azaltzen diren 18 ebazpenen Ordenantzaren 5. artikulua hautsi dutela adieraziz, legegintzaldi honetako bi urteetan lehenengo aldia delarik arau-hauste mota hauek ematen direla.

\* Merino alkate jaunak (Socialistas Vascos-Euskal Sozialistak) adierazi du -deskuidatzeko arriskuarekin- duela gutxi jakinarazi ziotela merkatari zenbaitek ordainketak atzeratuta zeukala, eta horregatik zorra ordaintzeko ezarritako prozedura jarraitzea exijitzen zaiela. Bere ustez, kontu hori izan liteke.

Mintzaldiak amaitutakoan.

Udalbatza jakinaren gainean geratu da.

### **3. Alkatetzaren 2009ko apirilaren 21eko dekretuaren berri ematea, ordezkaritza-aldaketari buruzkoa.**

Idazkariak Alkatetzak 2009ko apirilaren 21ean ordezkaritza-aldaketari buruz emaniko dekretuaren berri eman du:

"Alkatetza honek, apirilaren 2ko 7/1985 Legearen 21.3 eta 23.4 artikuluek ematen dioten eskumenez baliaturik, Toki Araubidearen Oinarriak Arautzen dituen, apirilaren 21eko 11/1999 Legeak hari ematen dion idazketa berrian, eta bat datorren gainontzeko legeria dela medio, berari dagozkion eskumenak ordezkari ditzake baldin eta beroriek Toki Araubidearen Oinarriak

arautzen dituen Legearen 21.3 artikuluan (egun idatzita dagoen moduan) aurreikusitako kasuen barruan aurkitzen badira, eta halaber, azaroaren 26ko 30/1992 Legearen 13. artikulua, Herri Administrazioen Araubide Juridikoaren eta Administrazio Prozedura Erkidearen Legea, egun urtarrilaren 13ko 4/1999 Legeak berori jasotzen duen moduan, non ordezkari ez litezkeen eskumenak arautzen baitira.

Eta komenigarritzat jotzen dudanez egungo ordezkariak berriro banatzea.

Horregatik, Alkatetza honek, legez dagozkidan eskumenez baliaturik

#### **EBATZI DUT**

**LEHENENGO.** Jarraian ezagutzera ematen diren zinegotzietan kargu-kentzea eta ordezkariak espezifikoa egitea:

**Zerbitzu espezifikoa: Merkataritza, Turismoa eta Berrikuntza eta Ekonomia Garapena.**

a) **Aldatzea** Zerbitzu espezifikoa horren goiburua, hots, lehen "Merkataritza eta Ekonomia Garapena" zena.

b) **Kentzea** 2007ko uztailaren 12ko Alkatetza-dekretu bidez M<sup>a</sup> Mar CARRILLO GASCON andreari emaniko ordezkariak.

c) **Zerbitzu espezifikoa** hori Mikel DURAN GONZALO zinegotziarengan ordezkariak.

**Jarduteko eremua, Alkatetzaren eskumeneko barruan:**

- Enplegu-ekimenak, herri mailakoak zein beste edozein erakunderi buruzkoak.

- Enplegua sortzeko programak berrikustea eta ekonomia eta merkataritza garatzea horretan ari diren gainontzeko udal sailekin koordinatuz.

- Harremanak edukitzea ekonomia eta merkataritza munduko erakundeekin.

- Kasu egitea merkataritza, kontsumitzaile eta erabiltzaileei.

- Herrian turismoa sustatzen duten proiektuak bultzatzea, horretan dabiltzan erakunde, elkarte edo enprekin koordinatuz.

- Informatika sailarekin koordinatuz, hainbat udal sailetan eta herri osoan berrikuntza sustatu eta teknologia berrien erabilera bultzatu.
- Erakundeek –nazionalak zein europarrak– ematen dituzten diru-laguntzak eta laguntzak arakatu, hain zuzen, udal sailek jaso ditzaketanak eta beroriei informazio horren berri ematea.
- Sail ezberdinek sortu edo beste erakundeek eskaturiko informazio estatistikoa kontrolatu eta berrikustea.
- Ogasun sailarekin koordinatuz, Alkatetzara lagundu udal aurrekontua egiteko garaian eta aurrekontua egikaritzeko etengabeko kontrola egin.

**Zerbitzu espezifikoa: Emakumearen parte hartzea.**

**a) Kentzea 2007ko uztailaren 12ko Alkatetza-dekretu bidez Silvia ASTORGA MARTÍNEZ andreari emaniko ordezkartza.**

**b) Zerbitzu espezifiko hori M<sup>a</sup> Mar CARRILLO GASCON zinegotziarengan ordezkartzea.**

**Jarduteko eremua:**

- Hainbat emakume-elkartek egiten dituzten eskaerak bideratu eta kolektibo horrentzako kultur eta aisialdiko egintzak sustatuko ditu.

**BIGARREN.** Aitatu zinegotzietan eskumenak eskuordetzeak bere baitan izango du dagokion Arloko zuzendaritza eta kudeaketa burutzeko. Halaber, behin-betiko edo tramitezko agiriak sinatzeko, alegia, eskuordetze hori gauzatzeko beharrezkoak izango diren ebazpen-proposamen eta dekretuak egiteko.

**HIRUGARREN.** Eskuordetutako eskumenak adierazitako mugen barruan burutu ahal izango dira, eta titularrek ezin izango dute beste organo edo zinegotziari eskuordetu.

Eskuordetze honen baitan zinegotzietan hartutako ebazpenen testuan egoera hau jakinaraziko da, hain zuzen azalpen-zatian ondorengo testu hau sartuta:

«Hori guztiagatik, Udal honetako Alkatetzak..... (e)an, ..... .... dekretu bidez eskuordetutako eskumenak baliatuz»

Eskuordetze horren baitan hartzen diren erabakiak Alkatetzak emanak izango baliran hartuko dira, eta berorien berri eman zaio. Eta ondorioz, exekutatzeko eta zilegitasun presuntzioa izango dute.

**LAUGARREN.** Eskuordetze hauek indarrean sartuko dira ebazpen-dataren egun berean. Izendapena behin-betikoa izango da, eta Alkatetza honek indarririk gabe uzteko eskumena izango du.

Eskuordetutako zinegotziek, edozein arrazoirengatik, kanpoan, gaixo-edo egongo balira, edo beste eragozpenen bat izango balute, eskuordetutako eskumenak besterik gabe Alkatetzak bereganatuko lituzke, eta ez luke ebazpen berri bat egin beharrik izango berori eskuratzeko.

**BOSGARREN.** Ebazpen honen berri eman aitatutako zinegotzietei, eta 24 orduren barruan ez badute ezer esaten edo eskuordetze baliatzen badute eskumena onartu dutela ulertuko dut.

**SEIGARREN.** Ebazpen honen berri ematea Udalbatzarrak egingo duen lehenengo osoko bilkuran, eta testu hau Gipuzkoako Aldizkari Ofizialean argitaratzea, lehen aitatutako legezko testuaren 44.2 artikuluan xedatutakoa betez".

Udalbatza jakinaren gainean geratu da.

#### **4. Proposamena: Alabergako (07/03 EU) lurrazpiko aparkalekuari buruzko hainbat dokumentu onartzea.**

Udalbatzak 2004ko azaroaren 25ean eginiko osoko bilkuran, besteak beste, erabaki zuen Txirrita Maleo, S.A. udal sozietateari, egun Errenteria Garatuz, S.A., Alabergako 07/03 EU lurrazpiko aparkalekuaren kudeaketa, hots, ateratzen ziren garajeak egin eta saltzea.

Sozietate horren Administrazio Kontseiluak onartu zituen garaje-plazak kontratatzeke ereduak, hala nola aparkaleku horretako funtzionamendu-arauak eta esleitzeko oinarriak.

Kontratazio eta Ondare Saileko arduradun Tomas Martin jaunak 2009ko apirilaren 6an gaiari buruzko txostena egin du.

Eta Lehendakaritza eta Barne-antolaketako batzordearen proposamena ikusitakoan.

Mintzatu dira:

\* Angulo jaunak (Talde Mistoa) adierazi du, alde batetik, diru publikoa kudeatzen ari direlako, eta bestetik, aparkatzeko arazoari konponbidea bilatu nahi dutelako, euren ustez, lehentasunak ipini behar baldin badituzte garajeak esleitzeko orduan, irizpide argiak eta orokorrak erabili beharko lituzkete. Eta aurkeztu dieten proposamenean ez zaizkie irizpideak argiak eta orokorrak direnik iruditzen. Eurek pentsatzen dute garajea dutenei ez zaiela horrelakorik eskaini behar, aitzitik, etxebizitza babestuekin egiten den bezala jardun beharko luketela. Beraz, euren aburuz, ez bazaie ematen, proposamenaren lehenengo eranskinaren 3. atalean azaltzen den "*tendrán preferencia*" delakoa soberan egongo litzateke, hain zuzen, esleipena soilik garajea ez dutenentzat izango litzatekeelako. Era berean, lehen eranskineko 3. ataleko d) eta f) puntuak (*Residentes de los cupos en los apartados a) y b) que dispongan de plaza de garaje*) ere kendu beharko lirateke. Horrez gain, bere iritziz, esleipena egiteko garaian ere, irizpen garbi bat gertutasun-hurbiltasuna izan daiteke. Azken finean garajeak zona batean eraikitzeak, inguru horretan aparkatzeko dagoen arazoak konpontzeko balio beharko lukeelako, eta ondorioz, gertu bizi diren herritarrei onura ekarriko liekelako. Euren aburuz, teknikariek eginiko proposamenean distantzia nahiko desorekatua geratzen da, batez ere, behe atalean (Iztietan, Zentro, etab.) azaltzen direnetan. Berori pittin bat ordenatzeko xedez, eurentzat garbiago geratuko litzateke garajeak, borobil-zentro kideak eginez eta garajeak hainbat multzo osatuz, esleitzeko balira. Eurek proposamenean simulazio antzeko bat egin dute, eta 50, 100, 150, 200 edo 300 metro kontuan hartuz, eta horren arabera multzoak osatuz, egingo lukete garajeen esleipena. Gainera, irizpide hori bera egingo diren garajeei ere aplikatu litekeela uste dute.

\* Merino alkate jaunak (Socialistas Vascos-Euskal Sozialistak) adierazi du irizpide horiek bere garaian, gehien-gehienak, gerenteak egin zituela. Sozietatearen Kontseiluari ezagutzera eman zioten eta hark ez zuen eragozpenik ipini. Gero, batzordera eraman eta eztabaidatu eta onartuko zituztela pentsatzen du. Eta hori da gaur osoko bilkurara ekarri dutena. Berak ez daki gaur Angulo jaunak (Talde Mistoa) egin duen proposamena batzordean egin zuen. Beraz, uste du hori han egin behar zela. Edonola ere, egin ala ez, gehiengoz onartu zena ekarri bada, uste du bidezkoa dela hori onartzea. Gaineratu duenez, Angulo jaunak (Talde Mistoa) eskubidea du beste irizpideak proposatzeko, baina gerenteak egindakoak, hasiera batean, besteak bezain baliagarriak dira, eta berak dakienez, haren kezka eta lehentasuna hurbilenekeoi, egin nahi diren nabardurekin, ematea zen, beti ere, dendak, etab. kontuan izanik, esan du.

\* Angulo jaunak (Talde Mistoa) adierazi du eurek proposamen bat ekarri dutela eta berori bozkatzeari gustatuko litzaiekeela.

\* Ferradas jaunak (Ezker Batua-Berdeak), Talde Mistoko partaidearen mintzaldia interpretatuz eta batzordeak emaniko azalpenen ostean, uste du ezadostasunak 1. Eranskineko funtzionamendu-arauen batuketan ematen direla. Ondoren, Talde Mistoak esleipen-oinarriak onartzen dituen, galdetu du. Bestalde, halaber galdetu du, ea Alkate jaunak oinarriak, arauak eta kontratu-eredua denak batera bozkatzeari proposatzen duen. Izan ere, bere taldeak ez du ezer esatekorik esleitzeko oinarri eta kontratu-ereduaren inguruan, alabaina, funtzionamendu-arau eta garaje-plazak esleitzeko jarraibideetan bat dator Talde Mistoko ordezkariak esandakoarekin.

\* Merino alkate jaunak (Socialistas Vascos-Euskal Sozialistak) jakinarazi du proposamena osorik bozkatzeko dutela. Gaineratu duenez, beste proposamen bat egiteko eskubidea dute. Horrela, berak, eskema ikusiz, ondorioztatzen du lehen eginiko ekarpenean fluktuazio zenbait ematen zirela, baina orain zirkuluak ongi eginda daudenez, guneak aldatzen direla uste du.

\* Angulo jaunak (Talde Mistoa) adierazi du, eurek lehenengo bi puntuekin ados daudenez, proposamenean horiek ere sartuko lirakeela. Eskatzen duten aldaketa bakarria eranskineko puntuetan dela, gaineratu du.

\* Peña andreak (EAJ/PNV) adierazi du, gainontzeko zinegotziak bezala, berak orain jakin du Talde Mistoaren proposamenaren berri, eta ezadostasunak ikusirik, horiek birbanaketa edo beste edozeinez izan daitezkeenez, ez da orain hasiko positiboak diren edo ez ikusten. Bere ustez, aldezturik distantzia-banaketaren aferan talde denak asetzeko moduko kontsentsua lortzeko ahalegin bat egin zitekeen. Orain, ordea, berak Kontseiluan bozkatu zuena mantenduko du, Lehendakaritza Udalbatzar honetara datorren proposamenaren aldekoa hain zuzen ere.

\* Murua jaunak (Talde Mistoa) adierazi du eurek gaia ulertzeko ez dutela hainbeste denborarik izan, eta bezperan bertan aritu zirela planoak egiten. Horregatik, eurentzat ez da aitzaki bat une honetan proposamena jaso izana, batez ere, ez dutelako ikusten beharrik zozketa une honetan egitea, hain zuzen garajeak ez dituztelako biharamunean emango, baizik eta garajeak eskuratzeko denbora dezente pasako denez, baldin eta besteak akordio batera iristeko saiakera bat egiteko prest baldin badaude, egokiena izango litzateke proposamena mahai gainean uztea.

\* Merino alkate jaunak (Socialistas Vascos-Euskal Sozialistak) adierazi du bere iritziz aitzaki kontua da, hain zuzen, Sozietatearen batzordea duela hil bat egin zelako. Gerta liteke gaiak aztertzeko denbora gutxi izatea, baina ez oraingo honetan, esan du.

Mintzaldiak amaitutakoan.

Ondoren, Murua jaunak (Talde Mistoa) gaia mahai gainean uzteko proposamena bozkatu dute.

Udalbatzak, gehiengoz, aldeko 8 botorekin (Talde Mistoa eta Ezker Batua-Berdeak) eta aurkako 13 botorekin (Socialistas Vascos-Euskal Sozialistak, EAJ/PNV, PP eta EA),

#### **E R A B A K I D U**

- **Atzera botatzea** mahai gainean uzteko proposamena.

Jarraian,

Lehendakaritza eta Barne-antolaketa batzordeak eginiko proposamena bozkatu dute.

Udalbatzak, gehiengoz, aldeko 13 botorekin (Socialistas Vascos-Euskal Sozialistak, EAJ/PNV, PP eta EA) eta 8 abstentzios (Talde Mistoa eta Ezker Batua-Berdeak),

#### **E R A B A K I D U**

1. **Onartzea** proposamen honekin batera doazen dokumentuak:

- ALABERGAKO (07/03 EU) LURRAZPIKO APARKALEKUAK, BERTAN BIZI DIRENENTZAKO, ESLEITZEKO OINARRIAK.
- ERRENTERRIAKO ALABERGAKO (07/03 EU) APARKALEKUKO FUNTZIONAMENDU ARAUAK.
- ALABEGAKO (07/03 EU) LURRAZPIKO APARKALEKUKO APARKALEKUAREN ERABILPEN ESKUBIDEA LAGATZEKO KONTRATU EREDUA.

2. Akordio hau **igortzea**, dagokion onorioetarako, Errenteria Garatuz, S.A, udal sozietateari.

#### **5. Jose Luis Ansorena Herriko Ohorezko Seme izendatzeko proposamena.**

2008-06-2an herriko hainbat elkartek Jose Luis Ansorena ohorezko seme izendatzea eskatu zuten.

2009-01-30eko Udalbatzak ohoreak eta goraipamenak emateko ordenantza onartu zuen.



Joxe M<sup>a</sup> Burgos instrutoreak txostena egin du.

2009-04-14ko Kultura informazio batzordeak proposamenaren alde irizpena eman zuen.

Jose Luis Ansorenak egun musika eta kultura arloetan erreferenteak diren Errenteriako kultura entitateen eraketaren eta Musikaste nahiz Eresbilen sorreraren inguruan lan itzela egin du.

Era berean, musika arloaren nahiz Errenteriako musikarien inguruan ere ikerketa lan handia egin du.

Gaiari buruzko txostena egin du Francisco Javier Lesca idazkariak 2009ko apirilaren 23an.

Kultura informazio batzordeburuaren proposamena ikusitakoan.

Mintzatu dira:

\* Burgos jaunak (EA), batzordeburu gisa eta espedientearen bigarren zatiaren izapidegile modura, eskerrak ematen dizkie talde politikoei, hain zuzen espedientea -batzordean aho batez onarturikoa- heldu behar zen lekura iritsi delako. Horrek esan nahi du, bere aburuz, Ordenantzak markatzen dituen mugen barruan daudela. Aitzitik, lehenengo espedienteak Ordenantzan jasotzen dituen urrats zenbaitik ez zituen betetzen, eta talde guztiek eginiko ekarpenei esker akordioa erdietsi ahal izan dute.

\* Queralt jaunak (Talde Mistoa) adierazi du eurek ere eskertzen dutela lehendakariaren jarrera. Hala ere, kontu honek harridura sortzen die, zeren eta eurek ere uste zuten prozedura betetzen zutela -batzordean alde bozkatu zutelako-, baina bezperan, 12:15ean, iritsi zitzairen Idazkariaren txostena. Eta suposatzen dute dokumentu guztiak 48 orduko aurrerapenarekin jasota eduki behar zituztela proposamenak osoko bilkuran bozkatu ahal izateko. Orduan, behin eta berriz ikusten dute, prozedura aldetik, Udal Gobernu Taldeak egiten duen ibilbidea ez dela beti zuzena izaten. Horregatik, informazio-batzordean egin zuten bezala -behin eta berriz esan dutelako pertsona horri ohorezko izendapena egitearen aldekoak direla-, proposamenaren alde bozkatuko dute, baina errepikatu behar dute prozedura ez dela zuzena izan.

\* Merino alkate jaunak (Socialistas Vascos-Euskal Sozialistak) adierazi du Idazkariak eginiko txostenak egin beharrekoak ongi egin dituztela bakarrik esaten duela. Berak ez daki zein arazo egon litekeen, zeren eta, prozeduraz ezer kontraesaten ez duenez, uste baitu txosten horrenik gabe ere onar zezaketela. Gaineratu duenez, aspaldi onartu beharreko gaia izanik, ez du ulertzen zergatik atzeratu den hainbeste, gero, azkenean, aho batez onartzeko herriko pertsonarik nabarmenetakoari

errekonozimendu hori. Bere iritziz, Jose Luis Ansorenari ongi merezitako omenaldia, legezkotasun osoarekin, egiten diotela sentituz geratu behar dute.

\* Queralt jaunak (Talde Mistoa) adierazi du, gauzak ondo egin badira, hori "txiripaz" izan dela, eta eurek, bere garaian, salatu zutelako. Gainera, eurek Ordenantzari ekarpenak egin zizkioten bere garaian. Eta kasu hau abian jartzerakoan ikusi zuten prozedura ez zela betetzen. Horregatik, ibili dira zorrotz, ez beste ezergatik. Gainera, ikusten dute idazkariak eginiko txostenean zera esaten dela, ROFen arabera, *se exige la emisión de informe jurídico por parte del Secretario Municipal*. Hori gogoratu baino ez dute egin nahi.

\* Merino alkate jaunak (Socialistas Vascos-Euskal Sozialistak) uste du zinegotzi zenbait, hainbat gaietan, bereziki bitxiak eta errepikakorrek direla. Gaineratu duenez, ikusirik inguruan nola funtzionatzen duten, bere ustez, kalitatearen "K" merezi dute Udal honetan burutzen duten prozeduran. Hots, txostenarekin, txostenik gabe, eta Queralt jaunak (Talde Mistoa) ipini nahi dizkion tatxa guztiekin.

Mintzaldiak amaitutakoan.

Udalbatzak, gehiengoz, aldeko 20 botorekin (Merino, Acosta, Carrillo, Astorga, Oficialdegui, Echarte, Rodriguez, Duran (Socialistas Vascos-Euskal Sozialistak)), (Alvarez de Eulate, Angulo, Cano, Queralt, Maudes (Talde Mistoa)), (Peña, Gravina (EAJ/PNV)), (Ferradas, Legorburu (Ezker Batua-Berdeak)), (Peralta, Bastos (PP)) eta (Burgos (EA)), eta aurkako lez (Murua jauna (Talde Mistoa)),

## **E R A B A K I D U**

Jose Luis Ansorena Errenteriako ohorezko seme **izendatzea**, hain zuzen, herrian burutu dituen kultura, asistentzia eta kirol jarduerengatik, hala nola Errenteriaren izena ezaguna izan dadin egindako ahaleginengatik.

\* Murua jaunak (Talde Mistoa) adierazi du, bere botoaren nondik norakoa azaltzeko, bere ustez prozedura ez da ondo bete eta hartutako erabakiaren aurka joateko daukan bide bakarra aurka bozkatzea da, eta horregatik bozkatu du ezetz, nahiz eta izendapenarekin ados egon.

### **6. Galderak eta eskariak.**

\* Cano andreak (Talde Mistoa) adierazi du iaz Madalenak baino pittin bat lehentxeago, txupinazoa botatzeko garaian zenbat lagun egon litezkeen

aretoan arautzen saiatu zirela. Eurek proposamen bat egin zuten, baina berandu aurkeztu zutelako ezin zela aplikatu esan zieten. Orduan, jakin nahi dute kontu hori nola burutuko den, nola landuko den, bi hil baino ez direlako falta Madalenetarako.

\* Merino alkate jaunak (Socialistas Vascos-Euskal Sozialistak) erantzun du esanez txupinazioa jaurtitzeko ekitaldira etortzeko gonbitea Alkateak egingo duela, hain zuzen, orain arte egin duen moduan eta halaxe dagokiolako. Gaineratu duenez, etor litekeen jendea azterketak esaten duena da. Beraz, Alkateari proposamenen bat egin nahi bada, egin ezazue, esan du.

\* Cano andreak (Talde Mistoa) esan du eurek proposamena egin zutela.

\* Merino alkate jaunak (Socialistas Vascos-Euskal Sozialistak) erantzun du, asko eskatzea ez bada, eta kopia bat izango dutenez, berriro egitekoeta hitz egingo dutela.

-----

\* Murua jaunak (Talde Mistoa) adierazi du urtarrilaren 30eko udalbatzan onarturiko Alde Zaharreko Xehetasun Azterlanaren aurka hainbat zinegotzik otsailaren 20an helegitea jarri zuten. Bi hilabete pasa dira eta ez dute gai horretaz erantzunik jaso. Horregatik, gustatuko litzaieke jakitea zein izango den Gobernu Taldearen jarrera gai horrekiko, ea erantzuteko asmorik duten.

\* Merino alkate jaunak (Socialistas Vascos-Euskal Sozialistak) galdetu du ea zein azterlan den.

\* Murua jaunak (Talde Mistoa) esan du Erdiko kale 4koaz ari dela.

\* Merino alkate jaunak (Socialistas Vascos-Euskal Sozialistak) erantzun du Hirigintzako teknikariarekin hitz egingo duela kontua nola dagoen jakiteko. Hala ere, gogorazten dio helegiteak, administrazio-fasean, Kontentziosora ere jo litekeela, hori ematen zaien erantzuna gustatzen ez bazaie, hala nola, administrazioaren isiltasunagatik.

-----

\* Cano andreak (Talde Mistoa) jakin nahi du azaroaren 28an Hiri Mantenimentuko arduradunarekin egindako bileran, ea lan-ikuskariak -aktan aitatzen denez- eginiko eskakizuna zein izan zen eta zer ari den egiten haren arabera.

\* Merino alkate jaunak (Socialistas Vascos-Euskal Sozialistak) erantzun du espediente hori egunak joan egunak etorri gero eta lodiagoa dela. Pertsonaleko ordezkariari galde diezaioke. Edonola ere, azken nobedadea da Gizarte Segurantzak lanean hasteko eskatuz idatzi bat bidali diola. Gaur lanean hasi da, baina Gizarte Segurantzak exijituta, esan du. Gaineratu du urte bat eta erdi daramala bajan, tartean juizio bat izan da, baliaezintasun mota eskatu du, baina ukatu diote, etab. Eta, berriro dio, informazio gehiago lortzeko Langileria Sailarekin hitz egiteko.

-----

\* Murua jaunak (Talde Mistoa) adierazi du apirilaren 14an TAO zerbitzuaren inguruan informazioa eskatu zutela hango bulegoan. Gero, hiru egunen buruan, lehen eskaturiko informazioaz galdetutakoan, esan zieten Saileko arduradunari eman ziotela biharamunean bertan. Gaur, apirilak 24, oraindik ez dute inolako berririk. Orduan Alkateari eskatzen diote – zinegotziak izendatzeko ardura duenez– ez izendatzeko euren lana oztopatuko duen ordezkariarik.

\* Merino alkate jaunak (Socialistas Vascos-Euskal Sozialistak) erantzun du lehen zer gertatu den ikusi behar dutela. Edonola, Murua jaunari lehenbailehen pasako diote informazio hori.

-----

\* Queralt jaunak (Talde Mistoa) esan du talde politikoaren idazkariaren baldintzak ez direla berdinak PSOekoekin dituenekin konparatuz gero. Eta euren egoera hori ez zaie bidezkoa iruditzen. Horregatik, jakin nahi dute ea Alkate jaunari hori bidezkoa iruditzen zaion, eta ea zein neurri hartuko dituen hori zuzentzeko.

\* Merino alkate jaunak (Socialistas Vascos-Euskal Sozialistak) erantzun du bere oso konforme dagoela dagoen tokian dagoelako eta ez duela ezer aldatuko. Gaineratu du, hori Alkatearen eskumena da, eta horrela jardunez, ondo egiten duela uste du.

\* Queralt jaunak (Talde Mistoa) adierazi du euren ere hartu beharreko neurriak hartuko dituztela.

\* Merino alkate jaunak (Socialistas Vascos-Euskal Sozialistak) erantzun du

-----

\* Cano andreak (Talde Mistoa) adierazi du bezperan Hirigintza batzordean kezkatzen dien gai bat aitatu zela. Ikusten denez, obra denboraldi batez geldirik daukan enpresaren propaganda ikusi da bazterretan etxeak saltzeko asmoarekin. Orduan, eurek planteatuko lukete, jakinda obra hori geldirik dagoela, Udalak adierazpen publiko bat egitea obra horren egoera adieraziz.

\* Merino alkate jaunak (Socialistas Vascos-Euskal Sozialistak) erantzun du berak ez duela geldituta dagoen udal enpresaren berririk. Berak ez daki zer aipamen egin zen eta, suposatzen du Hirigintza sailak lizentziak, denborak, etab. kontrolatzen dituela. Lizentzia iraungita dagoela edo punturen bat ez dagoela legearen arabera Hirigintza sailean, pribatuan edo bidezkoa deritzon lekuan galdetzeko esan dio. Berak ez du ikusi etxebizitzak saltzeko propagandarik. Ikas dezake, baina gauzak azkarrago egiteko Talde Mistoko partaideei, eurek berek departamentuak eskatzeko, esan die.

\* Murua jaunak (Talde Mistoa) esan du kontua ez dela informazioa eskatzea, hiritarrei ziurtasuna ematea baizik. Hots, hor egiten ari diren obraren inguruan zalantza asko daudela, azken finean, batzordeburuak berak batzordean esan zuelako promotorearekin egoteko saiakerak egin dituztela eta ezin izan zutela. Horregatik, proposatzen dute Udalak ohar bat ateratzea herritarrak non sartzeko arriskua duten adieraziz.

\* Merino alkate jaunak (Socialistas Vascos-Euskal Sozialistak) erantzun du esanez kontua da obra bat egin ahal izateko hainbat baldintza eskatzen direla, esaterako, lizentzia bera. Lizentzia indarrean badago, gerta liteke une batzuetan obrak azkarxeago edo geldoxeago joatea edo gelditzea. Izan ere, denek badakite une hauetan nola dagoen etxebizitzaren merkatua. Obrak mantsoago egin edo gelditu baditu, eta legeak hori egitea uzten badio, berak ez dezake ezer esan. Aldez aurretik, berak ez du zertan suspetsatu legez kanpo dagoenik, alabaina, interesa eta kezka eragin diolako, begiratuko duela esan du.

Mintzaldiak amaitutakoan.

-----

Eta aztertu beharreko gai gehiagorik ez zegoenez, Alkateak bilkura amaitutzat eman du egun bereko 09:25 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, \_\_\_\_\_zenbakitik \_\_\_\_\_ra, eta nirekin batera Alkateak sinatu du. Egiatzatzen dut.